

TŠHELETE YA NAGA YA BOLENG BJA GO BATAMELA R2 MILLION E GAPILWE KA BOEMAFOFANE BJA DITŠHABATŠHABA BJA CAPE TOWN

Cape Town, Mokibelo 12 Mei 2018 – Baofisiri ba SARS ba Khastoms ka Boemafofane bja Ditšhabatšhaba bja Cape Town ba amogile \$156 850 (palo ya go nyaka go lekana le R1 946 802) yeo e bego e fihlilwe ka merwalong ya monna wa MoAfrika Borwa yo a bego a le tseleng ya go leba Dubai.

Morago ga go sebelwa ke baofisiri ba Khastom ka Boemafofane bja Ditšhabatšhaba bja OR Tambo (ORTIA), monna o ile a emišwa ke baofisiri ba Khastom le maloko a Yuniti ya Dimpša tša go Dupelela ka ge a be a šetše a itokišeditše go namela sefofane sa go leba Dubai.

Enngwe ya dimpša tša didupe e dupeletše morwalo gomme morwalo o ile wa bulwa le go setšhwa. Baofisiri ba Khastom ba ile ba utulla mapakana a 10 a tšhelete ya naga ao a bego a utilwe ka diaparo.

Molato wa – go palelwa ke go laodiša tšhelete ge o tloga mo nageng – o fetišeditšwe go SAPS bakeng sa dinyakišišo tša go iša pele.

“Bjale ka karolo ya ditshepetšo tša rena tša mokopanelwa, kgonagalo ya go kwefa ka tšhelete ya naga e dupeletšwe ke baofisiri ba rena,” go boletše Moofisiri Mogolo: Khastoms le Metšhelophahlogae, Teboho Mokoena. “Re lemogile gabjale gore banamedi bao gantši ba dirišago ORTIA go leka go ntšha tšhelete ya naga mo nageng, ba thomile go fetoša maeto a bona ka boemafofane bjo bongwe. Ke ka fao go lego bohlokwa gore diyuniti tša rena ka moka di šomišane mmogo go thibela se. Ke rata go leboga tirišanommogo magareng ga dikarolo tša go fapana ka Khastom yeo e lebišitšego go tshwaro ye ya katlego.”

Go bona diswantšho, [kgotla mo](#).